

Newspaper	UTUSAN MALAYSIA
Date	16 OCTOBER 2016

Kerajaan jamin sokong pembangunan

UiTM - PM

Um - 16/10/2016

KUALA LUMPUR 15 Okt. - Perdana Menteri, Datuk Seri Najib Tun Razak berkata, kerajaan memberi jaminan akan terus menyokong pembangunan Universiti Teknologi Mara (UiTM).

Najib berkata, UiTM akan terus menjadi institusi kebanggaan tersohor dan memberi sumbangan besar kepada kejayaan bangsa Melayu dan bumiputera.

“Sebagai sebuah kerajaan, dari zaman Allahyarham ayahanda saya, Tun Abdul Razak Hussein ke zaman saya sebagai Menteri Pendidikan dan kini sebagai Perdana Menteri, saya beri jaminan akan terus menyokong pembangunan UiTM.

“Tahun ini kita sambut 60 tahun UiTM, dan insya-Allah untuk masa depan dan bertahun-tahun lagi UiTM akan terus menjadi institusi kebanggaan tersohor dan menyumbang besar kepada kejayaan bangsa Melayu dan bumiputera,” katanya menerusi laman blog beliau *Najibrazak.com* hari ini.

Semalam, Perdana Menteri menghadiri Sambutan Ulang Tahun UiTM ke-60 di UiTM Shah Alam.